

## Ҳадис дарслари (219-дарс) Ердаги тешикларга бавл қилишдан эҳтиёт бўлиш

**Ҳадис**  
ДАРСЛАРИ

**219-ДАРС**

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 22.02.2023 2626

هَلَلَا يَضْرِبُ لَبَجٍ نَبِ ذَاغُم نَع  
هَلَلَا يَلَّصَّ يَبِّن لَانَع ، هُنَع  
أَوْقَاتَا : لَأَقَمَّ لَسَوِ هَيْلَع  
زَارَبُلَا : ثَالِثَا لَانَع أَلَمُلَا  
قِيْرَطَلَا : عَرَاقَوِ دِرَاوَمُلَا يِف  
دُوَادُ وَبَأُ هَاوَرِ لَّظَلَاوِ

Муъоз ибн Жабал розияллоҳу анҳудан ривоят қилинади:

«Набий соллаллоҳу алайҳи васаллам:

**«Учта лаънат ўрнидан - сув ўзанига, йўлга ва сояга қазои ҳожат қилишдан сақланинглар», дедилар».**

*Абу Довуд ривоят қилган.*

Сув бошига, яъни одамлар сув оладиган жойлар ва ўша жойга олиб борувчи йўлларга қазои ҳожат қилишдан қайтарилмоқда. Ким бу ишни қилса, кўпчиликнинг лаънатига учраши таъкидланмоқда. Мўмин-муслмон одам бу ишни умуман қилмаслиги ва фарзандларини ҳам бу ишни қилмасликка ўргатиши лозим.

سَجْرَسٍ نَبِ هَل لَّا ذَبَعُ نَع  
يَبِّن لَّا نَأُ هُنَّ هَل لَّا يَضَر  
يَهَن مَلَسَوِ هَيْلَعُ هَل لَّا يَلَّص  
أُولَاقٍ رُحُجُ لَّا يَفَلَّابُي نَأُ  
لُوبُلَا نَمُ هَرْكُي أَم : هَدَات قَل  
لَاقُي نَأَك : لَاقٍ ؟ رُحُجُ لَّا يَف  
هَأَوْرٍ نَجُ لَّا نَكْ أَسَمَ أَهْنِإِ  
دُوَادٍ وَبَأُوِيَّ أَسِّن لَّا

Абдуллоҳ ибн Саржис розияллоҳу анҳудан ривоят қилинади:

**«Набий соллаллоҳу алайҳи васаллам ердаги тешикка бавл қилишдан қайтардилар. Одамлар Қатодага:**

**«Нима учун ердаги тешикка бавл қилиш ёмон кўрилади?» дейишди.  
У:**

**«Ундай жойлар жинларнинг маскани бўлади, дейилар эди», деди».**

*Насайй ва Абу Довудлар ривоят қилганлар.*

Абдуллоҳ ибн Саржис ал-Музаний Бани Махзум қабиласининг бошлиқларидандир.

Имом Бухорий ва Ибн Ҳиббон айтадилар:

«Абдуллоҳ ибн Саржис розияллоҳу анҳу Расулуллоҳ соллаллоҳу алайҳи васалламнинг суҳбатларида бўлганлар ва Расулуллоҳдан кўп ҳадислар ривоят қилганлар».

Бу ҳадисларни Муслим ва бошқа имомларнинг китобларидан топиш мумкин.

Абдуллоҳ ибн Саржис ҳадисларни Умар ибн Хаттоб, Абу Ҳурайралардан ҳам ривоят қилганлар.

Бу зотдан Қатода, Осим ал-Аҳвал, Усмон ибн Ҳаким, Муслим ибн Марям ва бошқалар ривоят қилдилар.

Ушбу ҳадис ердаги тешикларга бавл қилишдан қайтармоқда. Бу қайтаришнинг сабабларидан бирини Қатода розияллоҳу анҳу баён ҳам қилиб бермоқдалар. Ўша тешиклар жинларнинг маскани бўлиши мумкин. Унга бавл қилган одам зарар кўриши эҳтимолдан холи эмас. Шунингдек, ўша тешиклар турли ҳайвонлар ва ҳашаротларнинг уяси бўлиши ҳам мумкин. Улар ҳам зарар кўрмаслиги керак.

**«Ҳадис ва ҳаёт» китоби асосида тайёрланди**